

Referat frå elevråd 8.11.23

Sak 1 Barn og unges kommunestyre, tema medskaping.

Spørsmål 1: Får elevane vera med å føreslå korleis ein arbeider med faga? Elevane fortel at dei får vera med å føreslå kva dei skal laga i kunst og handverk. Dei får òg velja rekkefølgje på oppgåvene av og til. Elevane kunne ynskja at dei hadde meir val, då hadde dei blitt meir motivert. Dei skulle òg ynskja at dei kunne fått vore med å bestemt korleis dei skal jobba med eit tema og kva slags produkt det skal bli

Spørsmål 2. Får du vera med å føreslå kva det skal leggjast vekt på når arbeidet ditt skal vurderast? Forslag frå elevane var å snakka om kriterier saman med lærar før me startar på ei oppgåve. Det kom òg innspel om at læraren kartlegg kva me kan frå før og kva me må øva på.

Spørsmål 3. Får du vera med å vurdera skulearbeidet? Elevrådet tenkjer at eigenvurdering på oppgåve kan vera lurt, i alle fall av og til.

Spørsmål 4. Får du hjelp av lærar til å tenkja gjennom korleis du utvikler deg i faga?

Elevrådsrepresentantane gjev tilbakemelding om at dei får skriftlege og munnlege tilbakemeldingar som gjer at dei utviklar seg.

Spørsmål 5. Har skulen ein plan for korleis elevrådet vil innvolvera og sikra medverknad frå dei andre elevane, dei tilsette og leiinga? Elevrådet vil arbeida for at alle lærarane gjev elevane moglegheiter til å ta val i fleire oppgåver gjennom året. Elevrådsrepresentantane tek sakar frå klassen med til elevrådet,- og omvendt. Der informerer dei om kva klassen/elevrådet har drøfta som saker. Rektor er med på elevrådsmøta, og tek sakene frå elevrådet med til dei som jobbar på skulen, til foreldra i FAU møte og til samarbeidsutvalet. (I samarbeidsutvalet sit rektor, elevrådsleiar og to representantar, FAU-leiar og representant, representantar frå dei tilsette, samt ein politikar). Etter møta gjev rektor tilbakemelding til elevrådet i dei sakene det er naturleg.

Spørsmål 6. Forslag til bruk av 75 000 kr. Forslaget til Hognestad skule er at alle elevane som går på barne- og ungdomsskulen i Time kommune får gå på kino i skuletida.

Etter å ha sjekka med skulekontoret og leiar for kinoane, finn me ut at viss me reknar ein billettpris på 50 kroner vil me ikkje ha nok til at alle elevane skal få gå. Forslaget vert derfor justert til at 5.-9.trinn får gå på kino i skulekinoveka i februar. (Det vil kosta rett under 75 000, viss prisen på billettar vert som før).

Det var også ei kort gjennomgang av forslaga frå dei andre skulane: Bryne skule føreslår å setje opp eit fotballbord utandørs anten i Sandtangen, på Kaizersplassen, eller utanfor Rits. Dei vil òg kjøpe store sakkosekker til biblioteket. Bryne ungdomsskule vil laga sandvolleyball-bane i Sandtangen, mens Frøyland ungdomsskule vil fordela pengane mellom alle skulane. Frøyland skule føreslår å gje pengane til idrettslag i kommunen, mens Undheim skule vil ha kanonballturnering for alle skulane i kommunen. Lye skule føreslår å laga ei sykkelløype i terrenget (sti-sykling) på toppen av Lye. Jærthun vil òg satsa på sykkel, men dei vil laga ein liten sykkelbane i grus (pump-track) i Sandtangen. Rosseland skule vi pussa opp Sandtangen, med å forbetra leikeplassen og eventuelt laga til litt i hundeparken.

Etter ei drøfting landar representantane i elevrådet på at dei primært vil støtta eige forslag, eventuelt å pussa opp i Sandtangen, slik det ser ut per i dag.

Sak 2 Evaluering av Hei Verda! Kva var bra og kva kunne vore betre?

Kva var bra?

- Det var kjekke ting i alle klasserom.
- Det var fint at det var både sponsorløp og open dag på ein gong.

Kva kunne vore betre?

- Det kunne vore meir pizzaboller. Kunne vore 250 stk
- Skulle hatt meir årer.

Referent

Kristin Sando
Elevrådskontakt